



08 სექტემბერი, 2025 წ.

ბრძანება N01-02/169

**ბსუ-ს აკადემიური პერსონალის 2025-2026 სასწავლო წლიდან ბსუ-სთან
აფილირებისა და აკადემიური დატვირთვის კატეგორიის განსაზღვრისათვის
გასატარებელი ღონისძიებების შესახებ**

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების შესახებ“ ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილების, „ბსუ-სთან აფილირებისა და აკადემიური დატვირთვის კატეგორიის განსაზღვრის განაცხადების ფორმების დამტკიცების შესახებ“ ბსუ-ს რექტორის 2024 წლის 26 აგვისტოს N01-02/147 ბრძანების, „ბსუ-ს 2025-2026 სასწავლო წლის აკადემიური კალენდრის დამტკიცების შესახებ“ ბსუ-ს აკადემიური საბჭოს 2025 წლის 22 ივლისის №06-01/70 დადგენილების, „2025 წლის სექტემბერში ჩატარებული ბსუ-ს აკადემიური პერსონალის შესარჩევი ღია კონკურსის შედეგების დამტკიცების შესახებ“ ბსუ-ს აკადემიური საბჭოს 2025 წლის 08 სექტემბრის N06-01/77 დადგენილების საფუძველზე,

ვ ბ რ ძ ა ნ ე ბ ა :

1. „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის“ (შემდეგში - ბსუ-ს აფილირების წესის), 2025-2026 სასწავლო წლიდან ბსუ-ს აკადემიური პერსონალის ბსუ-სთან აფილირებისა და აკადემიური დატვირთვის კატეგორიის განსაზღვრისათვის გატარდეს შემდეგი ღონისძიებები:
 - 1.1. ბსუ-ს აკადემიურ პერსონალს დაეგზავნოს შეტყობინება (შეხსენება) წინამდებარე ბრძანების N1 დანართის შესაბამისად, მათი შრომითი ურთიერთობის (ბსუ-ში ან/და სხვა დაწესებულებაში) და სამუშაო დატვირთვის ბსუ-ს აფილირების წესთან შესაბამისობაში მოყვანისათვის და 2025-2026 სასწავლო წლის დაწყების (2025 წლის 22 სექტემბრიდან) ორგანიზების მიზნით;
 - 1.2. აფილირების წესის ამოქმედებისათვის (08.09.2023წ.) მოქმედი შრომითი კონტრაქტის მქონე, ასევე 2023 და 2024 და 2025 წლებში ჩატარებული კონკურსის შედეგად (2025 წლის სექტემბრამდე პერიოდში) არჩეულმა აკადემიურმა პერსონალმა ბსუ-სთან აფილირებისა ან/და აკადემიური დატვირთვის კატეგორიის 2025-2026 სასწავლო წლიდან ცვლილების მიზნით შესაბამისი განაცხადები (საჭიროების შემთხვევაში ცნობები/სამართლებრივი აქტები სხვა დაწესებულებაში დასაქმების ადგილიდან), ასევე სხვა დაწესებულებაში 2025-26 სასწავლო წლის აკადემიური დატვირთვის/საათობრივი დატვირთვის არსებობის შემთხვევაში ბსუ-ში დატვირთვის კატეგორიის განსაზღვრის ახალი განაცხადი და დამატებითი ინფორმაცია (არსებობის შემთხვევაში) წარმოადგინონ არაუგვიანეს 2025 წლის 16 სექტემბრისა (თუკი ასეთი

დატვირთვა განესაზღვრება 2025 წლის 30 სექტემბრის შემდეგ პერიოდში - დამატებითი ინფორმაცია ბსუ-ში უნდა წარმოადგინონ დატვირთვის განსაზღვრიდან არაუგვიანეს 5 სამუშაო დღეში);

1.3. **2025 წლის სექტემბერში ჩატარებული აკადემიური პერსონალის შესარჩევ ღია კონკურსში გამარჯვებულმა კონკურსანტებმა** (ბსუ-ს აკადემიური საბჭოს დადგენილების შესაბამისად) ხელმოწერილ შრომით ხელშეკრულებასთან ერთად **ბსუ-ს საქმისწარმოების სამსახურში (კანცელარია) მატერიალური სახით წარმოადგინონ** რექტორის ბრძანებით დამტკიცებული ფორმის მიხედვით შევსებული შესაბამისი აფილირების და აკადემიური დატვირთვის კატეგორიის განსაზღვრის განაცხადის ფორმა - **არაუგვიანეს 2025 წლის 16 სექტემბრისა;**

1.4. ბსუ-ს აკადემიური პერსონალის მიერ წინამდებარე ბრძანების მოთხოვნათა შესრულების **მონიტორინგი განახორციელონ შესაბამისი ფაკულტეტების დეკანებმა** (დეკანის მოადგილეებმა, დეკანის დავალებით);

1.5. **ბსუ-ს საქმისწარმოების სამსახურმა (კანცელარია) უზრუნველყოს:**

ა) დასაქმებულის მიერ შევსებული აფილირებისა და დატვირთვის განაცხადის რეგისტრაცია-აღრიცხვა;

ბ) ფაკულტეტიდან/პერსონალიდან წარმოდგენილი განაცხადის/ინფორმაციის ხარისხის მართვის სისტემაში (**QMS ბაზაში**) ასახულ ინფორმაციასთან შედარება (სასწავლო პროცესის დეპარტამენტთან ერთად) და დასაქმებულის სხვა დაწესებულებაში შრომითი საქმიანობის ან/და დატვირთვის შესახებ ინფორმაციის დაზუსტება ბსუ-ს დასაქმებულთან, დამატებითი კონსულტაციების გაწევა (საჭიროების შემთხვევაში);

გ) **დასაქმებულთა განაცხადების რექტორისათვის წარდგენა** (თანხმობა/უარყოფის მიღებისათვის);

დ) ბსუ-ს რექტორის მიერ ხელმოწერილი აფილირების განაცხადების (შეთანხმებების), ასევე დამატებითი დოკუმენტაციის (სხვა უმაღლეს საგანმანათლებლო დაწესებულებაში შრომითი დატვირთვის თაობაზე - ასეთის არსებობის შემთხვევაში), **დასაქმებულთა პირად საქმეებში განთავსება;**

ე) „ბსუ-ს აკადემიური პერსონალის ბსუ-სთან აფილირებისა და აკადემიური დატვირთვის კატეგორიის განსაზღვრის თაობაზე“ ბსუ-ს რექტორის ბრძანების პროექტის მომზადება.

1.6. **ბსუ-ს სასწავლო პროცესის დეპარტამენტმა, ბსუ-ს საქმისწარმოების სამსახურთან (კანცელარია) კოორდინირებით, უზრუნველყოს:**

ა) შესაბამისი სასწავლო წლისათვის/სემესტრისათვის ბსუ-ს აკადემიური პერსონალის აკადემიური დატვირთვის განსაზღვრის შესახებ ბსუ-ს რექტორის ბრძანების პროექტის (საჭიროებისას ასევე ცვლილებების) მომზადება;

ბ) ფაკულტეტიდან/პერსონალიდან წარმოდგენილ ინფორმაციასა და ხარისხის მართვის სისტემაში (**QMS ბაზაში**) ასახულ ინფორმაციას/დასაქმებულის სხვა დაწესებულებაში შრომითი დატვირთვის შესახებ უნივერსიტეტის მიერ გამოთხოვილ ინფორმაციას შორის სხვაობის შემთხვევაში, დასაქმებულის შრომითი დატვირთვის მოცულობის ბსუ-ს აფილირების წესთან შესაბამისობაში მოყვანა (ფაკულტეტთან და საქმისწარმოების სამსახურთან (კანცელარია) კოორდინირებული მუშაობით/შეთანხმებით).

2. ბრძანება დაეგზავნოს ბსუ-ს მართვის ორგანოებს, რექტორის მოადგილეებს, ბსუ-ს აკადემიურ პერსონალს, ფაკულტეტებს, დამოუკიდებელ სამეცნიერო-კვლევით ერთეულებს, სასწავლო პროცესის დეპარტამენტს,

საქმისწარმოების სამსახურს (კანცელარია), იურიდიულ დეპარტამენტს,
საფინანსო-ეკონომიკურ დეპარტამენტს.

3. ბრძანება ძალაშია ხელმოწერისთანავე.
4. ბრძანება შეიძლება გასაჩივრდეს კანონმდებლობით დადგენილ ვადაში და
წესით ბათუმის საქალაქო სასამართლოში (ქ. ბათუმი, სტეფანე
ზუბალაშვილის №30).

ბსუ-ს რექტორი



ტიტე აროშიძე

„ბსუ-ს აკადემიური პერსონალის 2025-2026 სასწავლო წლიდან ბსუ-სთან აფილირებისა და აკადემიური დატვირთვის კატეგორიის განსაზღვრისათვის გასატარებელი ღონისძიებების შესახებ“

**ბსუ-ს რექტორის 2025 წლის 08 სექტემბრის N01-02/169 ბრძანების
N1 დანართი**

ბსუ-ს აკადემიური პერსონალის 2025-2026 სასწავლო წლიდან ბსუ-სთან აფილირებისა და აკადემიური დატვირთვის კატეგორიის განსაზღვრისათვის ბსუ-ს აკადემიური პერსონალისათვის საყურადღებო ინფორმაცია!

ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებით დამტკიცებული „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესით“ (შემდეგში - **აფილირების წესი**) დადგენილი **აფილირების პირობებისა და მხოლოდ 2023-24 სასწავლო წლისათვის განსაზღვრული გარდამავალი დებულებების თანახმად 2025-2026 სასწავლო წლისათვის** ბსუ-ს აკადემიური პერსონალის აფილირებისა და აკადემიური დატვირთვის განსაზღვრისათვის აუცილებელია გათვალისწინებული იქნეს შემდეგი მოთხოვნები და ფაქტობრივი გარემოებები:

- **ბსუ-ს აკადემიური თანამდებობის პირი** (პროფესორი, ასოცირებული პროფესორი, ასისტენტ-პროფესორი და ასისტენტი) **ბსუ-სთან აფილირებული შეიძლება იყოს მხოლოდ იმ შემთხვევაში, თუ არ უკავია** სხვა უმაღლესი საგანმანათლებლო დაწესებულების აკადემიური ან/და სამეცნიერო თანამდებობა და გაფორმებული აქვს აფილირების შეთანხმება ბსუ-სთან.
- **ბსუ-ს პროფესორისათვის სავალდებულოა ბსუ-სთან აფილირება.** ბსუ-ს პროფესორის მიერ აფილირების პირობების დარღვევა მასთან შრომითი ურთიერთობის შეწყვეტის საფუძველია.
- **ბსუ-ს ასოცირებული პროფესორი, ასისტენტ-პროფესორი და ასისტენტი შეიძლება იყოს დასაქმებული სხვა უსდ-ს აკადემიურ/სამეცნიერო თანამდებობაზე და შესაბამისად, ბსუ-ში იქნება არააფილირებული** (ასეთ შემთხვევაში სემესტრის დაწყებამდე 10 კალენდარული დღით ადრე უნდა შეავსოს რექტორის ბრძანებით დამტკიცებული შესაბამისი არაფილირებული აკადემიური თანამდებობის პირის მიერ შესავსები ფორმა და განესაზღვრება „გ“ კატეგორიის აკადემიური სამუშაო დატვირთვა.

გთხოვთ იხილოთ ბსუ-ს ვებგვერდზე იურიდიულ ცნობარში (ველში - საუნივერსიტეტო ნორმატიული აქტები) **განთავსებული ბსუ-ს აფილირების წესი და აფილირების განაცხადის ფორმები:**

1. ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებით დამტკიცებული „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესი“.

2. „ბსუ-სთან აფილირებისა და აკადემიური დატვირთვის კატეგორიის განსაზღვრის **განაცხადების ფორმების** დამტკიცების შესახებ“ ბსუ-ს რექტორის 2024 წლის 26 აგვისტოს N01-02/147 ბრძანება.
3. „ბსუ-ს აკადემიური პერსონალის 2025-26 სასწავლო წლიდან ბსუ-სთან აფილირებისა და აკადემიური დატვირთვის კატეგორიის განსაზღვრისათვის გასატარებელი ღონისძიებების შესახებ“ **ბსუ-ს რექტორის 2025 წლის 08 სექტემბრის N01-02/ 169 ბრძანება.**

შენიშვნა: აფილირების განაცხადის წარმოდგენისათვის ან/და დამატებითი ინფორმაციის მისაღებად მიმართეთ ბსუ-ს საქმისწარმოების სამსახურს (კანცელარია) - ბათუმი, **ბსუ-ს N1 კორპუსი**, პირველი სართული, **ოთახები N2 და N16**